

王维的诗词全集（全 406 首）txt、word、pdf 免费下载

山居秋暝

唐代：王维

空山新雨后，天气晚来秋。
明月松间照，清泉石上流。
竹喧归浣女，莲动下渔舟。
随意春芳歇，王孙自可留。

使至塞上

唐代：王维

单车欲问边，属国过居延。
征蓬出汉塞，归雁入胡天。
大漠孤烟直，长河落日圆。
萧关逢候骑，都护在燕然。

九月九日忆山东兄弟

唐代：王维

独在异乡为异客，每逢佳节倍思亲。
遥知兄弟登高处，遍插茱萸少一人。

山中

唐代：王维

荆溪白石出，天寒红叶稀。
山路元无雨，空翠湿人衣。

送元二使安西 / 渭城曲

唐代：王维

渭城朝雨浥轻尘，客舍青青柳色新。（一作：客舍依依杨柳春）
劝君更尽一杯酒，西出阳关无故人。

竹里馆

唐代：王维

独坐幽篁里，弹琴复长啸。
深林人不知，明月来相照。

鸟鸣涧

唐代：王维

人闲桂花落，夜静春山空。
月出惊山鸟，时鸣春涧中。

画

唐代：王维

远看山有色，近听水无声。
春去花还在，人来鸟不惊。

鹿柴

唐代：王维

空山不见人，但闻人语响。
返景入深林，复照青苔上。

相思

唐代：王维

红豆生南国，春来发几枝。
愿君多采撷，此物最相思。

杂诗三首·其二

唐代：王维

君自故乡来，应知故乡事。

来日绮窗前，寒梅著花未？

送别 / 山中送别

唐代：王维

山中相送罢，日暮掩柴扉。

春草明年绿，王孙归不归？（明年 一作：年年）

终南别业

唐代：王维

中岁颇好道，晚家南山陲。

兴来每独往，胜事空自知。

行到水穷处，坐看云起时。

偶然值林叟，谈笑无还期。

观猎

唐代：王维

风劲角弓鸣，将军猎渭城。

草枯鹰眼疾，雪尽马蹄轻。

忽过新丰市，还归细柳营。

回看射雕处，千里暮云平。

少年行四首

唐代：王维

新丰美酒斗十千，咸阳游侠多少年。
相逢意气为君饮，系马高楼垂柳边。

出身仕汉羽林郎，初随骠骑战渔阳。
孰知不向边庭苦，纵死犹闻侠骨香。

一身能擘两雕弧，虏骑千重只似无。
偏坐金鞍调白羽，纷纷射杀五单于。

汉家君臣欢宴终，高议云台论战功。
天子临轩赐侯印，将军佩出明光宫。

送别

唐代：王维

下马饮君酒，问君何所之？
君言不得意，归卧南山陲。
但去莫复问，白云无尽时。

山中与裴秀才迪书

唐代：王维

近腊月下，景气和畅，故山殊可过。足下方温经，猥不敢相烦，辄便往山中，憩感配寺，与山僧饭讫而去。

北涉玄灞，清月映郭。夜登华子冈，辋水沦涟，与月上下。寒山远火，明灭林外。深巷寒犬，吠声如豹。村墟夜舂，复与疏钟相间。此时独坐，僮仆静默，多思曩昔，携手赋诗，步仄径，临清流也。

当待春中，草木蔓发，春山可望，轻鲛出水，白鸥矫翼，露湿青皋，麦陇朝雉，斯之不远，倘能从我游乎？非子天机清妙者，岂能以此不急之务相邀。然是中有深趣矣！无忽。因驮黄檗人往，不一，山中人王维白。

辋川闲居赠裴秀才迪

唐代：王维

寒山转苍翠，秋水日潺湲。
倚杖柴门外，临风听暮蝉。
渡头馀落日，墟里上孤烟。（馀 一作 余）
复值接舆醉，狂歌五柳前。

终南山

唐代：王维

太乙近天都，连山接海隅。
白云回望合，青霭入看无。
分野中峰变，阴晴众壑殊。
欲投人处宿，隔水问樵夫。

积雨辋川庄作 / 秋归辋川庄作

唐代：王维

积雨空林烟火迟，蒸藜炊黍饷东菑。
漠漠水田飞白鹭，阴阴夏木啭黄鹂。
山中习静观朝槿，松下清斋折露葵。
野老与人争席罢，海鸥何事更相疑。

辛夷坞

唐代：王维

木末芙蓉花，山中发红萼。
涧户寂无人，纷纷开且落。

汉江临泛 / 汉江临眺

唐代：王维

楚塞三湘接，荆门九派通。
江流天地外，山色有无中。
郡邑浮前浦，波澜动远空。
襄阳好风日，留醉与山翁。

送梓州李使君

唐代：王维

万壑树参天，千山响杜鹃。
山中一夜雨，树杪百重泉。
汉女输橦布，巴人讼芋田。
文翁翻教授，不敢倚先贤。

陇西行

唐代：王维

十里一走马，五里一扬鞭。
都护军书至，匈奴围酒泉。
关山正飞雪，烽火断无烟。

渭川田家

唐代：王维

斜阳照墟落，穷巷牛羊归。（斜阳 一作：斜光）
野老念牧童，倚杖候荆扉。
雉雊麦苗秀，蚕眠桑叶稀。
田夫荷锄至，相见语依依。
即此羡闲逸，怅然吟式微。

酬张少府

唐代：王维

晚年唯好静，万事不关心。自顾无长策，空知返旧林。
松风吹解带，山月照弹琴。君问穷通理，渔歌入浦深。

秋夜曲

唐代：王维

桂魄初生秋露微，轻罗已薄未更衣。
银筝夜久殷勤弄，心怯空房不忍归。

归嵩山作

唐代：王维

清川带长薄，车马去闲闲。
流水如有意，暮禽相与还。
荒城临古渡，落日满秋山。
迢递嵩高下，归来且闭关。

临湖亭

唐代：王维

轻舸迎上客，悠悠湖上来。
当轩对尊酒，四面芙蓉开。（一作 对樽酒）

过香积寺

唐代：王维

不知香积寺，数里入云峰。
古木无人径，深山何处钟。
泉声咽危石，日色冷青松。
薄暮空潭曲，安禅制毒龙。

老将行

唐代：王维

少年十五二十时，步行夺得胡马骑。
射杀山中白额虎，肯数邳下黄须儿！
一身转战三千里，一剑曾当百万师。
汉兵奋迅如霹雳，虏骑崩腾畏蒺藜。
卫青不败由天幸，李广无功缘数奇。
自从弃置便衰朽，世事蹉跎成白首。
昔时飞箭无全目，今日垂杨生左肘。
路旁时卖故侯瓜，门前学种先生柳。
苍茫古木连穷巷，寥落寒山对虚牖。
誓令疏勒出飞泉，不似颍川空使酒。
贺兰山下阵如云，羽檄交驰日夕闻。
节使三河募年少，诏书五道出将军。
试拂铁衣如雪色，聊持宝剑动星文。
愿得燕弓射大将，耻令越甲鸣吾君。
莫嫌旧日云中守，犹堪一战取功勋。

田园乐七首·其六 / 闲居

唐代：王维

桃红复含宿雨，柳绿更带朝烟。
花落家童未扫，莺啼山客犹眠。

送沈子归江东 / 送沈子福之江东

唐代：王维

杨柳渡头行客稀，罟师荡桨向临圻。
唯有相思似春色，江南江北送君归。

酌酒与裴迪

唐代：王维

酌酒与君君自宽，人情翻覆似波澜。
白首相知犹按剑，朱门先达笑弹冠。
草色全经细雨湿，花枝欲动春风寒。
世事浮云何足问，不如高卧且加餐。

青溪 / 过青溪水作

唐代：王维

言入黄花川，每逐清溪水。
随山将万转，趣途无百里。
声喧乱石中，色静深松里。
漾漾泛菱荇，澄澄映葭苇。
我心素已闲，清川澹如此。
请留磐石上，垂钓将已矣。（磐石 一作：盘石）

杂诗三首 / 杂咏三首

唐代：王维

家住孟津河，门对孟津口。
常有江南船，寄书家中否。

君自故乡来，应知故乡事。
来日绮窗前，寒梅著花未。

已见寒梅发，复闻啼鸟声。
心随春草长，愿随春风生。

春中田园作

唐代：王维

屋上春鸠鸣，村边杏花白。持斧伐远扬，荷锄觐泉脉。
归燕识故巢，旧人看新历。临觞忽不御，惆怅远行客。

西施咏

唐代：王维

艳色天下重，西施宁久微。
朝为越溪女，暮作吴宫妃。
贱日岂殊众，贵来方悟稀。
邀人傅香粉，不自著罗衣。
君宠益娇态，君怜无是非。
当时浣纱伴，莫得同车归。
持谢邻家子，效颦安可希。

桃源行

唐代：王维

渔舟逐水爱山春，两岸桃花夹古津。
坐看红树不知远，行尽青溪不见人。
山口潜行始隈隩，山开旷望旋平陆。
遥看一处攒云树，近入千家散花竹。
樵客初传汉姓名，居人未改秦衣服。

居人共住武陵源，还从物外起田园。
月明松下房栊静，日出云中鸡犬喧。
惊闻俗客争来集，竟引还家问都邑。
平明闾巷扫花开，薄暮渔樵乘水入。
初因避地去人间，及至成仙遂不还。
峡里谁知有人事，世中遥望空云山。
不疑灵境难闻见，尘心未尽思乡县。
出洞无论隔山水，辞家终拟长游衍。
自谓经过旧不迷，安知峰壑今来变。
当时只记入山深，青溪几度到云林。
春来遍是桃花水，不辨仙源何处寻。

新晴野望

唐代：王维

新晴原野旷，极目无氛垢。
郭门临渡头，村树连溪口。
白水明田外，碧峰出山后。
农月无闲人，倾家事南亩。

田园乐七首·其四

唐代：王维

萋萋春草秋绿，落落长松夏寒。
牛羊自归村巷，童稚不识衣冠。

书事

唐代：王维

轻阴阁小雨，深院昼慵开。
坐看苍苔色，欲上人衣来。

杂诗

唐代：王维

双燕初命子，五桃新作花。王昌是东舍，宋玉次西家。
小小能织绮，时时出浣纱。亲劳使君问，南陌驻香车。

山居即事

唐代：王维

寂寞掩柴扉，苍茫对落晖。
鹤巢松树遍，人访荜门稀。
绿竹含新粉，红莲落故衣。
渡头烟火起，处处采菱归。

杂诗

唐代：王维

朝因折杨柳，相见洛阳隅。楚国无如妾，秦家自有夫。
对人传玉腕，映烛解罗襦。人见东方骑，皆言夫婿殊。
持谢金吾子，烦君提玉壶。

洛阳女儿行

唐代：王维

洛阳女儿对门居，才可容颜十五余。
良人玉勒乘骢马，侍女金盘脍鲤鱼。
画阁朱楼尽相望，红桃绿柳垂檐向。
罗帷送上七香车，宝扇迎归九华帐。
狂夫富贵在青春，意气骄奢剧季伦。
自怜碧玉亲教舞，不惜珊瑚持与人。
春窗曙灭九微火，九微片片飞花琐。
戏罢曾无理曲时，妆成祇是熏香坐。
城中相识尽繁华，日夜经过赵李家。
谁怜越女颜如玉，贫贱江头自浣纱。

白石滩

唐代：王维

清浅白石滩，绿蒲向堪把。
家住水东西，浣纱明月下。

息夫人

唐代：王维

莫以今时宠，难忘旧日恩。
看花满眼泪，不共楚王言。

田园乐七首·其一

唐代：王维

厌见千门万户，经过北里南邻。
官府鸣珂有底，崆峒散发何人。

冬晚对雪忆胡居士家

唐代：王维

寒更传晓箭，清镜览衰颜。

隔牖风惊竹，开门雪满山。
洒空深巷静，积素广庭闲。
借问袁安舍，翛然尚闭关。

送綦毋潜落第还乡

唐代：王维

圣代无隐者，英灵尽来归。
遂令东山客，不得顾采薇。
既至金门远，孰云吾道非。
江淮度寒食，京洛缝春衣。
置酒长安道，同心与我违。
行当浮桂棹，未几拂荆扉。
远树带行客，孤城当落晖。
吾谋适不用，勿谓知音稀。

田园乐七首·其五

唐代：王维

山下孤烟远村，天边独树高原。
一瓢颜回陋巷，五柳先生对门。

哭孟浩然

唐代：王维

故人不可见，汉水日东流。
借问襄阳老，江山空蔡州。

陇头吟

唐代：王维

长安少年游侠客，夜上戍楼看太白。
陇头明月迥临关，陇上行人夜吹笛。
关西老将不胜愁，驻马听之双泪流。
身经大小百余战，麾下偏裨万户侯。
苏武才为典属国，节旄空尽海西头。

秋夜独坐 / 冬夜书怀

唐代：王维

独坐悲双鬓，空堂欲二更。
雨中山果落，灯下草虫鸣。
白发终难变，黄金不可成。
欲知除老病，唯有学无生。

和贾舍人早朝大明宫之作

唐代：王维

绛帟鸡人报晓筹，尚衣方进翠云裘。
九天阊阖开宫殿，万国衣冠拜冕旒。
日色才临仙掌动，香烟欲傍衮龙浮。
朝罢须裁五色诏，佩声归到凤池头。

田园乐七首·其二

唐代：王维

再见封侯万户，立谈赐璧一双。
讵胜耦耕南亩，何如高卧东窗。

送邢桂州

唐代：王维

铙吹喧京口，风波下洞庭。
赭圻将赤岸，击汰复扬舲。
日落江湖白，潮来天地青。
明珠归合浦，应逐使臣星。

伊州歌

唐代：王维

清风明月苦相思，荡子从戎十载馀。
征人去日殷勤嘱，归雁来时数附书。

田园乐七首·其三

唐代：王维

采菱渡头风急，策杖林西日斜。
杏树坛边渔父，桃花源里人家。

奉和圣制从蓬莱向兴庆阁道中留春雨中春望之作应制

唐代：王维

渭水自萦秦塞曲，黄山旧绕汉宫斜。
銮舆迥出千门柳，阁道回看上苑花。
云里帝城双凤阙，雨中春树万人家。
为乘阳气行时令，不是宸游玩物华。

送魏郡李太守赴任

唐代：王维

与君伯氏别，又欲与君离。君行无几日，当复隔山陂。
苍茫秦川尽，日落桃林塞。独树临关门，黄河向天外。
前经洛阳陌，宛洛故人稀。故人离别尽，淇上转骅骝。
企予悲送远，惆怅睢阳路。古木官渡平，秋城邺宫故。
想君行县日，其出从如云。遥思魏公子，复忆李将军。

送丘为落第归江东

唐代：王维

怜君不得意，况复柳条春。
为客黄金尽，还家白发新。
五湖三亩宅，万里一归人。
知祢不能荐，羞为献纳臣。

红牡丹

唐代：王维

绿艳闲且静，红衣浅复深。
花心愁欲断，春色岂知心。

皇甫岳云溪杂题五首·莲花坞

唐代：王维

日日采莲去，洲长多暮归。

弄篙莫溅水，畏湿红莲衣。

田园乐七首·其七

唐代：王维

酌酒会临泉水，抱琴好倚长松。

南园露葵朝折，东谷黄粱夜舂。

戏题盘石

唐代：王维

可怜盘石临泉水，复有垂杨拂酒杯。

若道春风不解意，何因吹送落花来。

和贾舍人早朝大明宫之作

唐代：王维

绛帟鸡人送晓筹，尚衣方进翠云裘。
九天阊阖开宫殿，万国衣冠拜冕旒。
日色才临仙掌动，香烟欲傍衮龙浮。
朝罢须裁五色诏，佩声归向凤池头。

酬郭给事

唐代：王维

洞门高阁霭馀辉，桃李阴阴柳絮飞。
禁里疏钟官舍晚，省中啼鸟吏人稀。
晨摇玉佩趋金殿，夕奉天书拜琐闱。
强欲从君无那老，将因卧病解朝衣。

待储光羲不至

唐代：王维

重门朝已启，起坐听车声。
要欲闻清佩，方将出户迎。
晚钟鸣上苑，疏雨过春城。

了自不相顾，临堂空复情。

出塞作

唐代：王维

居延城外猎天骄，白草连天野火烧。
暮云空碛时驱马，秋日平原好射雕。
护羌校尉朝乘障，破虏将军夜渡辽。
玉靶角弓珠勒马，汉家将赐霍嫖姚。

从军行·吹角动行人

唐代：王维

吹角动行人，喧喧行人起。
笳悲马嘶乱，争渡黄河水。
日暮沙漠陲，战声烟尘里。
尽系名王颈，归来报天子。

辋川别业

唐代：王维

不到东山向一年，归来才及种春田。
雨中草色绿堪染，水上桃花红欲然。
优娄比丘经论学，伛偻丈人乡里贤。
披衣倒屣且相见，相欢语笑衡门前。

春日与裴迪过新昌里访吕逸人不遇

唐代：王维

桃源一向绝风尘，柳市南头访隐沦。
到门不敢题凡鸟，看竹何须问主人。
城上青山如屋里，东家流水入西邻。
闭户著书多岁月，种松皆老作龙鳞。

辋川集。栾家濑

唐代：王维

飒飒秋雨中，浅浅石榴泻。
跳波自相溅，白鹭惊复下。

春园即事

唐代：王维

宿雨乘轻屐，春寒著弊袍。
开畦分白水，间柳发红桃。
草际成棋局，林端举桔槔。
还持鹿皮几，日暮隐蓬蒿。

送秘书晁监还日本国

唐代：王维

积水不可极，安知沧海东。
九州何处远，万里若乘空。
向国唯看日，归帆但信风。
鳌身映天黑，鱼眼射波红。
乡树扶桑外，主人孤岛中。
别离方异域，音信若为通。

夷门歌

唐代：王维

七雄雄雌犹未分，攻城杀将何纷纷。
秦兵益围邯郸急，魏王不救平原君。
公子为嬴停驷马，执辔愈恭意愈下。
亥为屠肆鼓刀人，嬴乃夷门抱关者。
非但慷慨献良谋，意气兼将身命酬。
向风刎颈送公子，七十老翁何所求。

阙题二首

唐代：王维

荆谿白石出，天寒红叶稀。山路元无雨，空翠湿人衣。
相看不忍发，惨淡暮潮平。语罢更携手，月明洲渚生。

田园乐七首（一作辋川六言，第六首一作皇甫曾诗）

唐代：王维

厌见千门万户，经过北里南邻。
官府鸣珂有底，崆峒散发何人。
再见封侯万户，立谈赐璧一双。
讵胜耦耕南亩，何如高卧东窗。

采菱渡头风急，策杖林西日斜。
杏树坛边渔父，桃花源里人家。
萋萋春草秋绿，落落长松夏寒。
牛羊自归村巷，童稚不识衣冠。
山下孤烟远村，天边独树高原。
一瓢颜回陋巷，五柳先生对门。
桃红复含宿雨，柳绿更带朝烟。
花落家童未扫，莺啼山客犹眠。
酌酒会临泉水，抱琴好倚长松。
南园露葵朝折，东谷黄粱夜舂。

送友人南归

唐代：王维

万里春应尽，三江雁亦稀。
连天汉水广，孤客郢城归。
郢国稻苗秀，楚人菰米肥。
悬知倚门望，遥识老莱衣。

答张五弟

唐代：王维

终南有茅屋，前对终南山。

终年无客常闭关，终日无心长自闲。
不妨饮酒复垂钓，君但能来相往还。

叹白发

唐代：王维

宿昔朱颜成暮齿，须臾白发变垂髫。
一生几许伤心事，不向空门何处销。

早秋山中作

唐代：王维

无才不敢累明时，思向东溪守故篱。
岂厌尚平婚嫁早，却嫌陶令去官迟。
草间蛩响临秋急，山里蝉声薄暮悲。
寂寞柴门人不到，空林独与白云期。

赋得秋日悬清光

唐代：王维

寥廓凉天静，晶明白日秋。
圆光含万象，碎影入闲流。
迴与青冥合，遥同江甸浮。
昼阴殊众木，斜影下危楼。
宋玉登高怨，张衡望远愁。
馀辉如可托，云路岂悠悠。

寒食城东即事

唐代：王维

清溪一道穿桃李，演漾绿蒲涵白芷。
溪上人家凡几家，落花半落东流水。
蹴鞠屡过飞鸟上，秋千竞出垂杨里。
少年分日作遨游，不用清明兼上巳。

春夜竹亭赠钱少府归蓝田

唐代：王维

夜静群动息，时闻隔林犬。
却忆山中时，人家涧西远。

羡君明发去，采蕨轻轩冕。

奉寄韦太守陟

唐代：王维

荒城自萧索，万里山河空。

天高秋日迥，嘹唳闻归鸿。

寒塘映衰草，高馆落疏桐。

临此岁方晏，顾景咏悲翁。

故人不可见，寂寞平陵东。

菩提寺禁裴迪来相看说逆贼等凝碧池上作音乐…示裴迪

唐代：王维

万户伤心生野烟，百僚何日更朝天。

秋槐叶落空宫里，凝碧池头奏管弦。

敕借岐王九成宫避暑应教

唐代：王维

帝子远辞丹凤阙，天书遥借翠微宫。
隔窗云雾生衣上，卷幔山泉入镜中。
林下水声喧语笑，岩间树色隐房栊。
仙家未必能胜此，何事吹笙向碧空。

登河北城楼作

唐代：王维

井邑傅岩上，客亭云雾间。
高城眺落日，极浦映苍山。
岸火孤舟宿，渔家夕鸟还。
寂寥天地暮，心与广川闲。

登裴秀才迪小台

唐代：王维

端居不出户，满目望云山。落日鸟边下，秋原人外闲。
遥知远林际，不见此檐间。好客多乘月，应门莫上关。

辋川集。欽湖

唐代：王维

吹簫凌極浦，日暮送夫君。
湖上一回首，青山卷白雲。

觀別者

唐代：王维

青青楊柳陌，陌上別離人。
愛子游燕趙，高堂有老親。
不行無可養，行去百憂新。
切切委兄弟，依依向四鄰。
都門帳飲畢，從此謝親賓。
揮涕逐前侶，含淒動征輪。
車徒望不見，時見起行塵。
吾亦辭家久，看之汨滿巾。

不遇詠

唐代：王维

北阙献书寝不报，南山种田时不登。
百人会中身不预，五侯门前心不能。
身投河朔饮君酒，家在茂陵平安否？
且共登山复临水，莫问春风动杨柳。
今人作人多自私，我心不说君应知。
济人然后拂衣去，肯作徒尔一男儿！

送康太守

唐代：王维

城下沧江水，江边黄鹤楼。
朱阑将粉堞，江水映悠悠。
铙吹发夏口，使君居上头。
郭门隐枫岸，侯吏趋芦洲。
何异临川郡，还劳康乐侯。

早朝

唐代：王维

柳暗百花明，春深五凤城。城乌睥睨晓，宫井辘轳声。
方朔金门侍，班姬玉辇迎。仍闻遣方士，东海访蓬瀛。

送李判官赴东江

唐代：王维

闻道皇华使，方随皂盖臣。封章通左语，冠冕化文身。
树色分扬子，潮声满富春。遥知辨璧吏，恩到泣珠人。

山茱萸

唐代：王维

朱实山下开，清香寒更发。幸与丛桂花，窗前向秋月。

齐州送祖三 / 河上送赵仙舟 / 淇上别赵仙舟

唐代：王维

相逢方一笑，相送还成泣。
祖帐已伤离，荒城复愁入。
天寒远山净，日暮长河急。
解缆君已遥，望君犹伫立。

辋川集。漆园

唐代：王维

古人非傲吏，自阙经世务。
偶寄一微官，婆娑数株树。

辋川集。柳浪

唐代：王维

分行接绮树，倒影入清漪。
不学御沟上，春风伤别离。

晓行巴峡

唐代：王维

际晓投巴峡，馀春忆帝京。
晴江一女浣，朝日众鸡鸣。
水国舟中市，山桥树杪行。
登高万井出，眺迥二流明。
人作殊方语，莺为故国声。
赖多山水趣，稍解别离情。

送刘司直赴安西

唐代：王维

绝域阳关道，胡沙与塞尘。
三春时有雁，万里少行人。
苜蓿随天马，葡萄逐汉臣。
当令外国惧，不敢觅和亲。

崔濮阳兄季重前山兴（山西去亦对维门）

唐代：王维

秋色有佳兴，况君池上闲。悠悠西林下，自识门前山。
千里横黛色，数峰出云间。嵯峨对秦国，合沓藏荆关。
残雨斜日照，夕岚飞鸟还。故人今尚尔，叹息此颓颜。

送张五归山

唐代：王维

送君尽惆怅，复送何人归。
几日同携手，一朝先拂衣。
东山有茅屋，幸为扫荆扉。

当亦谢官去，岂令心事违。

偶然作六首

唐代：王维

楚国有狂夫，茫然无心想。散发不冠带，行歌南陌上。
孔丘与之言，仁义莫能奖。未尝肯问天，何事须击壤。
复笑采薇人，胡为乃长往。

田舍有老翁，垂白衡门里。有时农事闲，斗酒呼邻里。
喧聒茅檐下，或坐或复起。短褐不为薄，园葵固足美。
动则长子孙，不曾向城市。五帝与三王，古来称天子。
干戈将揖让，毕竟何者是。得意苟为乐，野田安足鄙。
且当放怀去，行行没馀齿。

日夕见太行，沉吟未能去。问君何以然，世网婴我故。
小妹日成长，兄弟未有娶。家贫禄既薄，储蓄非有素。
几回欲奋飞，踟蹰复相顾。孙登长啸台，松竹有遗处。
相去诟几许，故人在中路。爱染日已薄，禅寂日已固。
忽乎吾将行，宁俟岁云暮。

陶潜任天真，其性颇耽酒。自从弃官来，家贫不能有。
九月九日时，菊花空满手。中心窃自思，傥有人送否。
白衣携壶觞，果来遗老叟。且喜得斟酌，安问升与斗。
奋衣野田中，今日嗟无负。兀傲迷东西，蓑笠不能守。
倾倒强行行，酣歌归五柳。生事不曾问，肯愧家中妇。
赵女弹箜篌，复能邯郸舞。夫婿轻薄儿，斗鸡事齐主。
黄金买歌笑，用钱不复数。许史相经过，高门盈四牡。
客舍有儒生，昂藏出邹鲁。读书三十年，腰间无尺组。

被服圣人教，一生自穷苦。

老来懒赋诗，惟有老相随。宿世谬词客，前身应画师。

不能舍余习，偶被世人知。名字本皆是，此心还不知。

送韦评事

唐代：王维

欲逐将军取右贤，沙场走马向居延。

遥知汉使萧关外，愁见孤城落日边。

与卢员外象过崔处士兴宗林亭

唐代：王维

绿树重阴盖四邻，青苔日厚自无尘。

科头箕踞长松下，白眼看他世上人。

新秦郡松树歌

唐代：王维

青青山上松，数里不见今更逢。不见君，心相忆，

此心向君君应识。为君颜色高且闲，亭亭迥出浮云间。

从岐王过杨氏别业应教

唐代：王维

杨子谈经所，淮王载酒过。
兴阑啼鸟换，坐久落花多。
径转回银烛，林开散玉珂。
严城时未启，前路拥笙歌。

赠从弟司库员外綬

唐代：王维

少年识事浅，强学干名利。
徒闻跃马年，苦无出人智。
即事岂徒言，累官非不试。
既寡遂性欢，恐招负时累。
清冬见远山，积雪凝苍翠。
浩然出东林，发我遗世意。
惠连素清赏，夙语尘外事。
欲缓携手期，流年一何驶。

辋川集。木兰柴

唐代：王维

秋山敛馀照，飞鸟逐前侣。

彩翠时分明，夕岚无处所。

听百舌鸟

唐代：王维

上兰门外草萋萋，未央宫中花里栖。亦有相随过御苑，

不知若个向金堤。入春解作千般语，拂曙能先百鸟啼。

万户千门应觉晓，建章何必听鸣鸡。

晚春严少尹与诸公见过

唐代：王维

松菊荒三径，图书共五车。烹葵邀上客，看竹到贫家。

鹄乳先春草，莺啼过落花。自怜黄发暮，一倍惜年华。

早春行

唐代：王维

紫梅发初遍，黄鸟歌犹涩。
谁家折杨女，弄春如不及。
爱水看妆坐，羞人映花立。
香畏风吹散，衣愁露沾湿。
玉闺青门里，日落香车入。
游衍益相思，含啼向彩帷。
忆君长入梦，归晚更生疑。
不及红檐燕，双栖绿草时。

宿郑州

唐代：王维

朝与周人辞，暮投郑人宿。
他乡绝俦侣，孤客亲僮仆。
宛洛望不见，秋霖晦平陆。
田父草际归，村童雨中牧。
主人东皋上，时稼绕茅屋。
虫思机杼悲，雀喧禾黍熟。
明当渡京水，昨晚犹金谷。
此去欲何言，穷边徇微禄。

蓝田山石门精舍

唐代：王维

落日山水好，漾舟信归风。探奇不觉远，因以缘源穷。
遥爱云木秀，初疑路不同。安知清流转，偶与前山通。
舍舟理轻策，果然惬所适。老僧四五人，逍遥荫松柏。
朝梵林未曙，夜禅山更寂。道心及牧童，世事问樵客。
暝宿长林下，焚香卧瑶席。润芳袭人衣，山月映石壁。
再寻畏迷误，明发更登历。笑谢桃源人，花红复来覩。

崔兴宗写真咏

唐代：王维

画君年少时，如今君已老。
今时新识人，知君旧时好。

答裴迪辋口遇雨忆终南山之作

唐代：王维

淼淼寒流广，苍苍秋雨晦。
君问终南山，心知白云外。

山中寄诸弟妹

唐代：王维

山中多法侣，禅诵自为群。
城郭遥相望，唯应见白云。

皇甫岳云溪杂题五首。萍池

唐代：王维

春池深且广，会待轻舟回。
靡靡绿萍合，垂杨扫复开。

题友人云母障子（时年十五）

唐代：王维

君家云母障，时向野庭开。
自有山泉入，非因采画来。

赠裴旻将军

唐代：王维

腰间宝剑七星文，臂上雕弓百战勋。
见说云中擒黠虏，始知天上有将军。

齐州送祖二（一作送别）

唐代：王维

送君南浦泪如丝，君向东州使我悲。
为报故人憔悴尽，如今不似洛阳时。

自大散以往深林密竹磴道盘曲四五十里至黄牛岭见黄花川

唐代：王维

危径几万转，数里将三休。
回环见徒侣，隐映隔林丘。
飒飒松上雨，潺潺石中流。
静言深溪里，长啸高山头。
望见南山阳，白露霏悠悠。
青皋丽已净，绿树郁如浮。
曾是厌蒙密，旷然销人忧。

送宇文太守赴宣城

唐代：王维

寥落云外山，迢递舟中赏。
铙吹发西江，秋空多清响。
地迥古城荒，月明寒潮广。
时赛敬亭神，复解罟师网。
何处寄相思，南风摇五两。

寄荆州张丞相

唐代：王维

所思竟何在，怅望深荆门。
举世无相识，终身思旧恩。
方将与农圃，艺植老丘园。
目尽南飞雁，何由寄一言。

寓言二首（次首《律髓》入侠少类，作卢象《杂诗》）

唐代：王维

朱绂谁家子，无乃金张孙。骊驹从白马，出入铜龙门。
问尔何功德，多承明主恩。斗鸡平乐馆，射雉上林园。
曲陌车骑盛，高堂珠翠繁。奈何轩冕贵，不与布衣言。
君家御沟上，垂柳夹朱门。列鼎会中贵，鸣珂朝至尊。
生死在八议，穷达由一言。须识苦寒士，莫矜狐白温。

送赵都督赴代州得青字

唐代：王维

天官动将星，汉上柳条青。
万里鸣刁斗，三军出井陉。
忘身辞凤阙，报国取龙庭。
岂学书生辈，窗间老一经。

辋川闲居

唐代：王维

一从归白社，不复到青门。时倚檐前树，远看原上村。
青菰临水拔，白鸟向山翻。寂寞於陵子，桔槔方灌园。

哭褚司马

唐代：王维

妄识皆心累，浮生定死媒。谁言老龙吉，未免伯牛灾。
故有求仙药，仍馀遁俗杯。山川秋树苦，窗户夜泉哀。

尚忆青骡去，宁知白马来。汉臣修史记，莫蔽褚生才。

大同殿柱产玉芝龙池上有庆云神光照殿百官共睹…即事

唐代：王维

欲笑周文歌宴镐，遥轻汉武乐横汾。岂知玉殿生三秀，
诂有铜池出五云。陌上尧樽倾北斗，楼前舜乐动南薰。
共欢天意同人意，万岁千秋奉圣君。

送方尊师归嵩山

唐代：王维

仙官欲往九龙潭，旄节朱幡倚石龕。山压天中半天上，
洞穿江底出江南。瀑布杉松常带雨，夕阳苍翠忽成岚。
借问迎来双白鹤，已曾衡岳送苏耽。

送杨少府贬郴州

唐代：王维

明到衡山与洞庭，若为秋月听猿声。愁看北渚三湘远，
恶说南风五两轻。青草瘴时过夏口，白头浪里出湓城。
长沙不久留才子，贾谊何须吊屈平。

冬夜书怀

唐代：王维

冬宵寒且永，夜漏宫中发。草白霭繁霜，木衰澄清月。
丽服映颓颜，朱灯照华发。汉家方尚少，顾影惭朝谒。

送友人归山歌二首（离骚题作山中人）

唐代：王维

山寂寂兮无人，又苍苍兮多木。群龙兮满朝，
君何为兮空谷。文寡和兮思深，道难知兮行独。
悦石上兮流泉，与松间兮草屋。入云中兮养鸡，
上山头兮抱犊。神与枣兮如瓜，虎卖杏兮收谷。
愧不才兮妨贤，嫌既老兮贪禄。誓解印兮相从，
何詹尹兮何卜。
山中人兮欲归，云冥冥兮雨霏霏。水惊波兮翠菅靡，
白鹭忽兮翻飞，君不可兮褰衣。山万重兮一云，
混天地兮不分。树暝暖兮氛氲，猿不见兮空闻。
忽山西兮夕阳，见东皋兮远村。平芜绿兮千里，
眇惆怅兮思君。

送张判官赴河西

唐代：王维

单车曾出塞，报国敢邀勋。见逐张征虏，今思霍冠军。
沙平连白云，蓬卷入黄云。慷慨倚长剑，高歌一送君。

杂曲歌辞。苦热行

唐代：王维

赤日满天地，火云成山岳。草木尽焦卷，川泽皆竭涸。
轻纨觉衣重，密树苦阴薄。莞簟不可近，絺绤再三濯。
思出宇宙外，旷然在寥廓。长风万里来，江海荡烦浊。
却顾身为患，始知心未觉。忽入甘露门，宛然清凉乐。

饭覆釜山僧

唐代：王维

晚知清净理，日与人群疏。将候远山僧，先期扫弊庐。
果从云峰里，顾我蓬蒿居。藉草饭松屑，焚香看道书。
然灯昼欲尽，鸣磬夜方初。一悟寂为乐，此日闲有馀。

思归何必深，身世犹空虚。

渡河到清河作

唐代：王维

泛舟大河里，积水穷天涯。
天波忽开拆，郡邑千万家。
行复见城市，宛然有桑麻。
回瞻旧乡国，渺漫连云霞。

左掖梨花（一作海棠。与丘为、皇甫冉同作）

唐代：王维

闲洒阶边草，轻随箔外风。
黄莺弄不足，衔入未央宫。

菩提寺禁口号又示裴迪

唐代：王维

安得舍罗网，拂衣辞世喧。
悠然策藜杖，归向桃花源。

戏题辋川别业

唐代：王维

柳条拂地不须折，松树披云从更长。
藤花欲暗藏猧子，柏叶初齐养麝香。

句

唐代：王维

人家在仙掌，云气欲生衣。

谒璿上人

唐代：王维

少年不足言，识道年已长。事往安可悔，馀生幸能养。
誓从断臂血，不复婴世网。浮名寄缨珮，空性无羁鞅。
夙承大导师，焚香此瞻仰。颓然居一室，覆载纷万象。
高柳早莺啼，长廊春雨响。床下阮家屐，窗前筇竹杖。
方将见身云，陋彼示天壤。一心在法要，愿以无生奖。

华岳

唐代：王维

西岳出浮云，积雪在太清。连天凝黛色，百里遥青冥。
白日为之寒，森沉华阴城。昔闻乾坤闭，造化生巨灵。
右足踏方止，左手推削成。天地忽开拆，大河注东溟。
遂为西峙岳，雄雄镇秦京。大君包覆载，至德被群生。
上帝伫昭告，金天思奉迎。人祇望幸久，何独禅云亭。

赠房卢氏琯

唐代：王维

达人无不可，忘己爱苍生。岂复少十室，弦歌在两楹。
浮人日已归，但坐事农耕。桑榆郁相望，邑里多鸡鸣。
秋山一何净，苍翠临寒城。视事兼偃卧，对书不簪缨。
萧条人吏疏，鸟雀下空庭。鄙夫心所尚，晚节异平生。
将从海岳居，守静解天刑。或可累安邑，茅茨君试营。

赠徐中书望终南山歌

唐代：王维

晚下兮紫微，怅尘事兮多违。

驻马兮双树，望青山兮不归。

哭殷遥

唐代：王维

人生能几何，毕竟归无形。念君等为死，万事伤人情。

慈母未及葬，一女才十龄。泱泱寒郊外，萧条闻哭声。

浮云为苍茫，飞鸟不能鸣。行人何寂寞，白日自凄清。

忆昔君在时，问我学无生。劝君苦不早，令君无所成。

故人各有赠，又不及生平。负尔非一途，恸哭返柴荆。

燕支行（时年二十一）

唐代：王维

汉家天将才且雄，来时谒帝明光宫。万乘亲推双阙下，

千官出饯五陵东。誓辞甲第金门里，身作长城玉塞中。

卫霍才堪一骑将，朝廷不数贰师功。赵魏燕韩多劲卒，

关西侠少何咆勃。报讎只是闻尝胆，饮酒不曾妨刮骨。

画戟雕戈百白寒，连旗大旆黄尘没。叠鼓遥翻瀚海波，

鸣笳乱动天山月。麒麟锦带佩吴钩，飒沓青骊跃紫骝。

拔剑已断天骄臂，归鞍共饮月支头。汉兵大呼一当百，

虏骑相看哭且愁。教战虽令赴汤火，终知上将先伐谋。

班婕妤三首

唐代：王维

玉窗萤影度，金殿人声绝。秋夜守罗帷，孤灯耿不灭。
宫殿生秋草，君王恩幸疏。那堪闻凤吹，门外度金舆。
怪来妆阁闭，朝下不相迎。总向春园里，花间笑语声。

辋川集。文杏馆

唐代：王维

文杏裁为梁，香茅结为宇。
不知栋里云，去作人间雨。

辋川集。宫槐陌

唐代：王维

仄径荫宫槐，幽阴多绿苔。
应门但迎扫，畏有山僧来。

田家

唐代：王维

旧谷行将尽，良苗未可希。老年方爱粥，卒岁且无衣。
雀乳青苔井，鸡鸣白板扉。柴车驾羸牸，草屨牧豪豨。
夕雨红榴拆，新秋绿芋肥。饷田桑下憩，旁舍草中归。
住处名愚谷，何烦问是非。

送熊九赴任安阳

唐代：王维

魏国应刘后，寂寥文雅空。漳河如旧日，之子继清风。
阡陌铜台下，闾阎金虎中。送车盈灞上，轻骑出关东。
相去千馀里，西园明月同。

青龙寺昙壁上人兄院集

唐代：王维

高处敞招提，虚空讵有倪。坐看南陌骑，下听秦城鸡。
眇眇孤烟起，芊芊远树齐。青山万井外，落日五陵西。
眼界今无染，心空安可迷。

河南严尹弟见宿弊庐访别人赋十韵

唐代：王维

上客能论道，吾生学养蒙。贫交世情外，才子古人中。
冠上方簪豸，车边已画熊。拂衣迎五马，垂手凭双童。
花醪和松屑，茶香透竹丛。薄霜澄夜月，残雪带春风。
古壁苍苔黑，寒山远烧红。眼看东候别，心事北川同。
为学轻先辈，何能访老翁。欲知今日后，不乐为车公。

淇上田园即事

唐代：王维

屏居淇水上，东野旷无山。日隐桑柘外，河明闾井间。
牧童望村去，猎犬随人还。静者亦何事，荆扉乘昼关。

送孙二

唐代：王维

郊外谁相送，夫君道术亲。书生邹鲁客，才子洛阳人。

祖席依寒草，行车起暮尘。山川何寂寞，长望泪沾巾。

送杨长史赴果州

唐代：王维

褒斜不容幘，之子去何之。

鸟道一千里，猿声十二时。

官桥祭酒客，山木女郎祠。

别后同明月，君应听子规。

送孟六归襄阳（一作张子容诗）

唐代：王维

杜门不复出，久与世情疏。以此为良策，劝君归旧庐。

醉歌田舍酒，笑读古人书。好是一生事，无劳献子虚。

初出济州别城中故人

唐代：王维

微官易得罪，谪去济川阴。

执政方持法，明君照此心。
闾阎河润上，井邑海云深。
纵有归来日，各愁年鬓侵。

归辋川作

唐代：王维

谷口疏钟动，渔樵稍欲稀。悠然远山暮，独向白云归。
菱蔓弱难定，杨花轻易飞。东皋春草色，惆怅掩柴扉。

留别钱起

唐代：王维

卑栖却得性，每与白云归。徇禄仍怀橘，看山免采薇。
暮禽先去马，新月待开扉。霄汉时回首，知音青琐闱。

辋川集。南垞

唐代：王维

轻舟南垞去，北垞淼难即。
隔浦望人家，遥遥不相识。

问寇校书双谿

唐代：王维

君家少室西，为复少室东，别来几日今春风。

新买双谿定何似，馀生欲寄白云中。

赠裴迪

唐代：王维

不相见，不相见来久。日日泉水头，常忆同携手。

携手本同心，复叹忽分襟。相忆今如此，相思深不深。

别弟妹二首（一作卢象诗）

唐代：王维

两妹日成长，双鬟将及人。已能持宝瑟，自解掩罗巾。

念昔别时小，未知疏与亲。今来始离恨，拭泪方殷勤。

小弟更孩幼，归来不相识。同居虽渐惯，见人犹未觅。

宛作越人语，殊甘水乡食。别此最为难，泪尽有馀忆。

过太乙观贾生房

唐代：王维

昔余栖遁日，之子烟霞邻。共携松叶酒，俱簪竹皮巾。
攀林遍岩洞，采药无冬春。谬以道门子，征为骖御臣。
常恐丹液就，先我紫阳宾。夭促万涂尽，哀伤百虑新。
迹峻不容俗，才多反累真。泣对双泉水，还山无主人。

秋夜独坐怀内弟崔兴宗

唐代：王维

夜静群动息，蟋蟀声悠悠。庭槐北风响，日夕方高秋。
思子整羽翰，及时当云浮。吾生将白首，岁晏思沧州。
高足在旦暮，肯为南亩俦。

寒食汜上作（一作途中口号）

唐代：王维

广武城边逢暮春，汶阳归客泪沾巾。
落花寂寂啼山鸟，杨柳青青渡水人。

皇甫岳云溪杂题五首。鸬鹚堰

唐代：王维

乍向红莲没，复出清蒲颺。
独立何褊褊，衔鱼古查上。

皇甫岳云溪杂题五首。上平田

唐代：王维

朝耕上平田，暮耕上平田。
借问问津者，宁知沮溺贤。

闻裴秀才迪吟诗因戏赠

唐代：王维

猿吟一何苦，愁朝复悲夕。
莫作巫峡声，肠断秋江客。

赠韦穆十八

唐代：王维

与君青眼客，共有白云心。
不向东山去，日令春草深。

辋川集。北垞

唐代：王维

北垞湖水北，杂树映朱阑。
逶迤南川水，明灭青林端。

临高台送黎拾遗

唐代：王维

相送临高台，川原杳何极。
日暮飞鸟还，行人去不息。

别辋川别业

唐代：王维

依迟动车马，惆怅出松萝。
忍别青山去，其如绿水何。

赠裴十迪

唐代：王维

风景日夕佳，与君赋新诗。澹然望远空，如意方支颐。
春风动百草，兰蕙生我篱。暧暧日暖闺，田家来致词。
欣欣春还皋，淡淡水生陂。桃李虽未开，萸萼满芳枝。
请君理还策，取告将农时。

酬诸公见过（时官未出，在辋川庄）

唐代：王维

嗟予未丧，哀此孤生。屏居蓝田，薄地躬耕。岁晏输税，
以奉粢盛。晨往东皋，草露未晞。暮看烟火，负担来归。
我闻有客，足扫荆扉。箪食伊何，觚瓜抓枣。仰厕群贤，
皤然一老。愧无莞簟，班荆席藁。泛泛登陂，折彼荷花。
静观素鲔，俯映白沙。山鸟群飞，日隐轻霞。登车上马，
倏忽云散。雀噪荒村，鸡鸣空馆。还复幽独，重欷累叹。

奉和圣制登降圣观与宰臣等同望应制

唐代：王维

凤宸朝碧落，龙图耀金镜。维岳降二臣，戴天临万姓。

山川八校满，井邑三农竞。比屋皆可封，谁家不相庆。
林疏远村出，野旷寒山静。帝城云里深，渭水天边映。
佳气含风景，颂声溢歌咏。端拱能任贤，弥彰圣君圣。

赠李颀

唐代：王维

闻君饵丹砂，甚有好颜色。不知从今去，几时生羽翼。
王母翳华芝，望尔昆仑侧。文螭从赤豹，万里方一息。
悲哉世上人，甘此膾腥食。

苦热

唐代：王维

赤日满天地，火云成山岳。草木尽焦卷，川泽皆竭涸。
轻纨觉衣重，密树苦阴薄。莞簟不可近，絺绤再三濯。
思出宇宙外，旷然在寥廓。长风万里来，江海荡烦浊。
却顾身为患，始知心未觉。忽入甘露门，宛然清凉乐。

纳凉

唐代：王维

乔木万馀株，清流贯其中。前临大川口，豁达来长风。
涟漪涵白沙，素鲔如游空。偃卧盘石上，翻涛沃微躬。
漱流复濯足，前对钓鱼翁。贪饵凡几许，徒思莲叶东。

送严秀才还蜀

唐代：王维

宁亲为令子，似舅即贤甥。别路经花县，还乡入锦城。
山临青塞断，江向白云平。献赋何时至，明君忆长卿。

酬虞部苏员外过蓝田别业不见留之作

唐代：王维

贫居依谷口，乔木带荒村。石路枉回驾，山家谁候门。
渔舟胶冻浦，猎火烧寒原。唯有白云外，疏钟闻夜猿。

同崔员外秋宵寓直

唐代：王维

建礼高秋夜，承明候晓过。九门寒漏彻，万井曙钟多。
月迥藏珠斗，云消出绛河。更惭衰朽质，南陌共鸣珂。

辋川集。孟城坳

唐代：王维

新家孟城口，古木馀衰柳。来者复为谁，空悲昔人有。

奉和圣制重阳节宰臣及群官上寿应制

唐代：王维

四海方无事，三秋大有年。百生无此日，万寿愿齐天。
芍药和金鼎，茱萸插玳筵。玉堂开右个，天乐动宫悬。
御柳疏秋景，城鸦拂曙烟。无穷菊花节，长奉柏梁篇。

春日直门下省早朝（时为右补阙）

唐代：王维

骑省直明光，鸡鸣谒建章。遥闻侍中珮，闇识令君香。
玉漏随铜史，天书拜夕郎。旌旗映阊阖，歌吹满昭阳。
官舍梅初紫，宫门柳欲黄。愿将迟日意，同与圣恩长。

游化感寺

唐代：王维

翡翠香烟合，琉璃宝地平。龙宫连栋宇，虎穴傍檐楹。
谷静唯松响，山深无鸟声。琼峰当户拆，金涧透林明。
郢路云端迥，秦川雨外晴。雁王衔果献，鹿女踏花行。
抖擞辞贫里，归依宿化城。绕篱生野蕨，空馆发山樱。
香饭青菰米，嘉蔬绿笋茎。誓陪清净末，端坐学无生。

过始皇墓（时年十五，一作二十一）

唐代：王维

古墓成苍岭，幽宫象紫台。星辰七曜隔，河汉九泉开。
有海人宁渡，无春雁不回。更闻松韵切，疑是大夫哀。

泛前陂

唐代：王维

秋空自明迥，况复远人间。畅以沙际鹤，兼之云外山。
澄波澹将夕，清月皓方闲。此夜任孤棹，夷犹殊未还。

送平澹然判官

唐代：王维

不识阳关路，新从定远侯。黄云断春色，画角起边愁。
瀚海经年到，交河出塞流。须令外国使，知饮月氏头。

送崔九兴宗游蜀

唐代：王维

送君从此去，转觉故人稀。徒御犹回首，田园方掩扉。
出门当旅食，中路授寒衣。江汉风流地，游人何岁归。

送宇文三赴河西充行军司马

唐代：王维

横吹杂繁笳，边风卷塞沙。还闻田司马，更逐李轻车。
蒲类成秦地，莎车属汉家。当令犬戎国，朝聘学昆邪。

过感化寺昙兴上人山院（与裴迪同作）

唐代：王维

暮持筇竹杖，相待虎谿头。催客闻山响，归房逐水流。
野花丛发好，谷鸟一声幽。夜坐空林寂，松风直似秋。

夏日过青龙寺谒操禅师（与裴迪同作）

唐代：王维

龙钟一老翁，徐步谒禅宫。欲问义心义，遥知空病空。
山河天眼里，世界法身中。莫怪销炎热，能生大地风。

晚春归思

唐代：王维

新妆可怜色，落日卷罗帷。炉气清珍簋，墙阴上玉墀。
春虫飞网户，暮雀隐花枝。向晚多愁思，闲窗桃李时。

春日与裴迪过新昌里访吕逸人不遇

唐代：王维

桃源一向绝风尘，柳市南头访隐沦。
到门不敢题凡鸟，看竹何须问主人。
城上青山如屋里，东家流水入西邻。
闭户著书多岁月，种松皆老作龙鳞。

奉和圣制天长节赐宰臣歌应制

唐代：王维

太阳升兮照万方，开阊阖兮临玉堂，俨冕旒兮垂衣裳。
金天净兮丽三光，彤庭曙兮延八荒。德合天兮礼神遍，
灵芝生兮庆云见。唐尧后兮稷契臣，匝宇宙兮华胥人。
尽九服兮皆四邻，乾降瑞兮坤降珍。

送李睢阳（一本以前九句自为一首）

唐代：王维

将置酒，思悲翁。使君去，出城东。麦渐渐，雉子斑。
槐阴阴，到潼关。骑连连，车迟迟。心中悲，宋又远。
周间之，南淮夷。东齐儿，碎碎织练与素丝，
游人贾客信难持。五谷前熟方可为，下车闭閤君当思。
天子当殿俨衣裳，大官尚食陈羽觞。彤庭散绶垂鸣珰，
黄纸诏书出东厢，轻纨叠绮烂生光。宗室子弟君最贤，
分忧当为百辟先。布衣一言相为死，何况圣主恩如天。
鸾声哢哢鲁侯旂，明年上计朝京师。须忆今日斗酒别，

慎勿富贵忘我为。

休假还旧业便使（一作卢象诗）

唐代：王维

谢病始告归，依依入桑梓。家人皆伫立，相候衡门里。
时辈皆长年，成人旧童子。上堂嘉庆毕，顾与姻亲齿。
论旧忽馀悲，目存且相喜。田园转芜没，但有寒泉水。
衰柳日萧条，秋光清邑里。入门乍如客，休骑非便止。
中饮顾王程，离忧从此始。

送钱少府还蓝田

唐代：王维

草色日向好，桃源人去稀。手持平子赋，目送老莱衣。
每候山樱发，时同海燕归。今年寒食酒，应是返柴扉。

新秦郡松树歌

唐代：王维

青青山上松，数里不见今更逢。不见君，心相忆，

此心向君君应识。为君颜色高且闲，亭亭迥出浮云间。

送方城韦明府

唐代：王维

遥思葭菼际，寥落楚人行。高鸟长淮水，平芜故郢城。
使车听雉乳，县鼓应鸡鸣。若见州从事，无嫌手板迎。

雪中忆李楫

唐代：王维

积雪满阡陌，故人不可期。长安千门复万户，
何处躑躅黄金羁。

过香积寺

唐代：王维

不知香积寺，数里入云峰。
古木无人径，深山何处钟。
泉声咽危石，日色冷青松。
薄暮空潭曲，安禅制毒龙。

宿郑州

唐代：王维

朝与周人辞，暮投郑人宿。
他乡绝俦侣，孤客亲僮仆。
宛洛望不见，秋霖晦平陆。
田父草际归，村童雨中牧。
主人东皋上，时稼绕茅屋。
虫思机杼悲，雀喧禾黍熟。
明当渡京水，昨晚犹金谷。
此去欲何言，穷边徇微禄。

赋得秋日悬清光

唐代：王维

寥廓凉天静，晶明白日秋。
圆光含万象，碎影入闲流。
迥与青冥合，遥同江甸浮。
昼阴殊众木，斜影下危楼。
宋玉登高怨，张衡望远愁。
馀辉如可托，云路岂悠悠。

济上四贤咏。成文学

唐代：王维

宝剑千金装，登君白玉堂。身为平原客，家有邯郸娼。
使气公卿坐，论心游侠场。中年不得意，谢病客游梁。

不遇咏

唐代：王维

北阙献书寝不报，南山种田时不登。
百人会中身不预，五侯门前心不能。
身投河朔饮君酒，家在茂陵平安否？
且共登山复临水，莫问春风动杨柳。
今人作人多自私，我心不说君应知。
济人然后拂衣去，肯作徒尔一男儿！

皇甫岳云溪杂题五首·莲花坞

唐代：王维

日日采莲去，洲长多暮归。
弄篙莫溅水，畏湿红莲衣。

早春行

唐代：王维

紫梅发初遍，黄鸟歌犹涩。
谁家折杨女，弄春如不及。
爱水看妆坐，羞人映花立。
香畏风吹散，衣愁露沾湿。
玉闺青门里，日落香车入。
游衍益相思，含啼向彩帷。
忆君长入梦，归晚更生疑。
不及红檐燕，双栖绿草时。

红牡丹

唐代：王维

绿艳闲且静，红衣浅复深。
花心愁欲断，春色岂知心。

菩提寺禁口号又示裴迪

唐代：王维

安得舍罗网，拂衣辞世喧。
悠然策藜杖，归向桃花源。

座上走笔赠薛璩慕容损

唐代：王维

希世无高节，绝迹有卑栖。君徒视人文，吾固和天倪。
缅然万物始，及与群物齐。分地依后稷，用天信重黎。
春风何豫人，令我思东溪。草色有佳意，花枝稍含萼。
更待风景好，与君藉萋萋。

田园乐七首·其四

唐代：王维

萋萋春草秋绿，落落长松夏寒。
牛羊自归村巷，童稚不识衣冠。

送梓州李使君

唐代：王维

万壑树参天，千山响杜鹃。
山中一夜雨，树杪百重泉。
汉女输橦布，巴人讼芋田。
文翁翻教授，不敢倚先贤。

奉和圣制庆玄元皇帝玉像之作应制

唐代：王维

明君梦帝先，宝命上齐天。秦后徒闻乐，周王耻卜年。
玉京移大像，金篆会群仙。承露调天供，临空敞御筵。
斗回迎寿酒，山近起炉烟。愿奉无为化，斋心学自然。

渡河到清河作

唐代：王维

泛舟大河里，积水穷天涯。
天波忽开拆，郡邑千万家。
行复见城市，宛然有桑麻。
回瞻旧乡国，渺漫连云霞。

登楼歌

唐代：王维

聊上君兮高楼，飞薨鳞次兮在下。俯十二兮通衢，
绿槐参差兮车马。却瞻兮龙首，前眺兮宜春。

王畿郁兮千里，山河壮兮咸秦。舍人下兮青宫，
据胡床兮书空。执戟疲于下位，老夫好隐兮墙东。

亦幸有张伯英草圣兮龙腾虬跃，摆长云兮捩回风。

琥珀酒兮雕胡饭，君不御兮日将晚。秋风兮吹衣，
夕鸟兮争返。孤砧发兮东城，林薄暮兮蝉声远。

时不可兮再得，君何为兮偃蹇。

瓜园诗

唐代：王维

余适欲锄瓜，倚锄听叩门。鸣驺导骢马，常从夹朱轩。

穷巷正传呼，故人傥相存。携手追凉风，放心望乾坤。

蔼蔼帝王州，宫观一何繁。林端出绮道，殿顶摇华幡。

素怀在青山，若值白云屯。回风城西雨，返景原上村。

前酌盈尊酒，往往闻清言。黄鹂啭深木，朱槿照中园。

犹羡松下客，石上闻清猿。

哭祖六自虚（时年十八）

唐代：王维

否极尝闻泰，嗟君独不然。悯凶才稚齿，羸疾主中年。
馀力文章秀，生知礼乐全。翰留天帐览，词入帝宫传。
国讶终军少，人知贾谊贤。公卿尽虚左，朋识共推先。
不恨依穷辙，终期济巨川。才雄望羔雁，寿促背貂蝉。
福善闻前录，歼良昧上玄。何辜铄鸾翮，底事碎龙泉。
鵬起长沙赋，麟终曲阜编。域中君道广，海内我情偏。
乍失疑犹见，沉思悟绝缘。生前不忍别，死后向谁宣。
为此情难尽，弥令忆更缠。本家清渭曲，归葬旧茔边。
永去长安道，徒闻京兆阡。旌车出郊甸，乡国隐云天。
定作无期别，宁同旧日旋。候门家属苦，行路国人怜。
送客哀难进，征途泥复前。赠言为挽曲，奠席是离筵。
念昔同携手，风期不暂捐。南山俱隐逸，东洛类神仙。
未省音容间，那堪生死迁。花时金谷饮，月夜竹林眠。
满地传都赋，倾朝看药船。群公咸属目，微物敢齐肩。
谬合同人旨，而将玉树连。不期先挂剑，长恐后施鞭。
为善吾无矣，知音子绝焉。琴声纵不没，终亦继悲弦。

新晴野望

唐代：王维

新晴原野旷，极目无氛垢。
郭门临渡头，村树连溪口。

白水明田外，碧峰出山后。
农月无闲人，倾家事南亩。

愚公谷三首（青龙寺与黎昕戏题）

唐代：王维

愚谷与谁去，唯将黎子同。非须一处住，不那两心空。
宁问春将夏，谁论西复东。不知吾与子，若个是愚公。
吾家愚谷里，此谷本来平。虽则行无迹，还能响应声。
不随云色暗，只待日光明。缘底名愚谷，都由愚所成。
借问愚公谷，与君聊一寻。不寻翻到谷，此谷不离心。
行处曾无险，看时岂有深。寄言尘世客，何处欲归临。

奉送六舅归陆浑

唐代：王维

伯舅吏淮泗，卓鲁方喟然。悠哉自不竞，退耕东皋田。
条桑腊月下，种杏春风前。酌醴赋归去，共知陶令贤。

疑梦

唐代：王维

莫惊宠辱空忧喜，莫计恩讎浪苦辛。
黄帝孔丘何处问，安知不是梦中身。

李处士山居

唐代：王维

君子盈天阶，小人甘自免。方随炼金客，林上家绝巘。
背岭花未开，入云树深浅。清昼犹自眠，山鸟时一啜。

田园乐七首·其四

唐代：王维

萋萋春草秋绿，落落长松夏寒。
牛羊自归村巷，童稚不识衣冠。

汉江临泛 / 汉江临眺

唐代：王维

楚塞三湘接，荆门九派通。
江流天地外，山色有无中。
郡邑浮前浦，波澜动远空。
襄阳好风日，留醉与山翁。

同崔兴宗送衡岳瑗公南归

唐代：王维

言从石菌阁，新下穆陵关。独向池阳去，白云留故山。
绽衣秋日里，洗钵古松间。一施传心法，唯将戒定还。

答张五弟

唐代：王维

终南有茅屋，前对终南山。
终年无客常闭关，终日无心长自闲。
不妨饮酒复垂钓，君但能来相往还。

过李揖宅

唐代：王维

闲门秋草色，终日无车马。客来深巷中，犬吠寒林下。
散发时未簪，道书行尚把。与我同心人，乐道安贫者。
一罢宜城酌，还归洛阳社。

白鼋涡（杂言走笔）

唐代：王维

南山之瀑水兮，激石湍瀑似雷惊，人相对兮不闻语声。
翻涡跳沫兮苍苔湿，藓老且厚，春草为之不生。
兽不敢惊动，鸟不敢飞鸣。白鼋涡涛戏濑兮，
委身以纵横。王人之仁兮，不网不钓，得遂性以生成。

观别者

唐代：王维

青青杨柳陌，陌上别离人。
爱子游燕赵，高堂有老亲。
不行无可养，行去百忧新。
切切委兄弟，依依向四邻。
都门帐饮毕，从此谢亲宾。

挥涕逐前侣，含凄动征轮。
车徒望不见，时见起行尘。
吾亦辞家久，看之泪满巾。

敕赐百官樱桃（时为文部郎）

唐代：王维

芙蓉阙下会千官，紫禁朱樱出上阑。才是寝园春荐后，
非关御苑鸟衔残。归鞍竞带青丝笼，中使频倾赤玉盘。
饱食不须愁内热，大官还有蔗浆寒。

与苏卢二员外期游方丈寺而苏不至，因有是作

唐代：王维

共仰头陀行，能忘世谛情。回看双凤阙，相去一牛鸣。
法向空林说，心随宝地平。手巾花氎净，香帟稻畦成。
闻道邀同舍，相期宿化城。安知不来往，翻得似无生。

送孙秀才（《纪事》作王缙诗）

唐代：王维

帝城风日好，况复建平家。玉枕双文簟，金盘五色瓜。

山中无鲁酒，松下饭胡麻。莫厌田家苦，归期远复赊。

山中与裴秀才迪书

唐代：王维

近腊月下，景气和畅，故山殊可过。足下方温经，猥不敢相烦，辄便往山中，憩感配寺，与山僧饭讫而去。

北涉玄灞，清月映郭。夜登华子冈，辋水沦涟，与月上下。寒山远火，明灭林外。深巷寒犬，吠声如豹。村墟夜舂，复与疏钟相间。此时独坐，僮仆静默，多思曩昔，携手赋诗，步仄径，临清流也。

当待春中，草木蔓发，春山可望，轻鲛出水，白鸥矫翼，露湿青皋，麦陇朝雉，斯之不远，倘能从我游乎？非子天机清妙者，岂能以此不急之务相邀。然是中有深趣矣！无忽。因驮黄檗人往，不一，山中人王维白。

皇甫岳云溪杂题五首·莲花坞

唐代：王维

日日采莲去，洲长多暮归。

弄篙莫溅水，畏湿红莲衣。

齐州送祖二（一作送别）

唐代：王维

送君南浦泪如丝，君向东州使我悲。
为报故人憔悴尽，如今不似洛阳时。

瓜园诗

唐代：王维

余适欲锄瓜，倚锄听叩门。鸣驺导骢马，常从夹朱轩。
穷巷正传呼，故人傥相存。携手追凉风，放心望乾坤。
蔼蔼帝王州，宫观一何繁。林端出绮道，殿顶摇华幡。
素怀在青山，若值白云屯。回风城西雨，返景原上村。
前酌盈尊酒，往往闻清言。黄鹂啭深木，朱槿照中园。
犹羡松下客，石上闻清猿。

春夜竹亭赠钱少府归蓝田

唐代：王维

夜静群动息，时闻隔林犬。
却忆山中时，人家涧西远。
羡君明发去，采蕨轻轩冕。

送崔三往密州覲省

唐代：王维

南陌去悠悠，东郊不少留。同怀扇枕恋，独念倚门愁。
路绕天山雪，家临海树秋。鲁连功未报，且莫蹈沧洲。

晚春归思

唐代：王维

新妆可怜色，落日卷罗帷。炉气清珍簟，墙阴上玉墀。
春虫飞网户，暮雀隐花枝。向晚多愁思，闲窗桃李时。

敕赐百官樱桃（时为文部郎）

唐代：王维

芙蓉阙下会千官，紫禁朱樱出上阑。才是寝园春荐后，
非关御苑鸟衔残。归鞍竞带青丝笼，中使频倾赤玉盘。
饱食不须愁内热，大官还有蔗浆寒。

奉和圣制从蓬莱向兴庆阁道中留春雨中春望之作应制

唐代：王维

渭水自萦秦塞曲，黄山旧绕汉宫斜。

銮輿迴出千门柳，阁道回看上苑花。

云里帝城双凤阙，雨中春树万人家。

为乘阳气行时令，不是宸游玩物华。

寄崇梵僧（崇梵寺近东阿覆釜村）

唐代：王维

崇梵僧，崇梵僧，秋归覆釜春不还。落花啼鸟纷纷乱，

涧户山窗寂寂闲。峡里谁知有人事，郡中遥望空云山。

雪中忆李楫

唐代：王维

积雪满阡陌，故人不可期。长安千门复万户，

何处躑躅黄金羁。

过香积寺

唐代：王维

不知香积寺，数里入云峰。
古木无人径，深山何处钟。
泉声咽危石，日色冷青松。
薄暮空潭曲，安禅制毒龙。

辛夷坞

唐代：王维

木末芙蓉花，山中发红萼。
涧户寂无人，纷纷开且落。

济州过赵叟家宴

唐代：王维

虽与人境接，闭门成隐居。道言庄叟事，儒行鲁人馀。
深巷斜晖静，闲门高柳疏。荷锄修药圃，散帙曝农书。
上客摇芳翰，中厨馈野蔬。夫君第高饮，景晏出林闾。

达奚侍郎夫人寇氏挽词二首

唐代：王维

束带将朝日，鸣环映牖辰。能令谏明主，相劝识贤人。
遗挂空留壁，回文日覆尘。金蚕将画柳，何处更知春。
女史悲彤管，夫人罢锦轩。卜莹占二室，行哭度千门。
秋日光能淡，寒川波自翻。一朝成万古，松柏暗平原。

东谿玩月（一作王昌龄诗）

唐代：王维

月从断山口，遥吐柴门端。万木分空霁，流阴中夜攒。
光连虚象白，气与风露寒。谷静秋泉响，岩深青霭残。
清灯入幽梦，破影抱空峦。恍惚琴窗里，松谿晓思难。

杂曲歌辞。苦热行

唐代：王维

赤日满天地，火云成山岳。草木尽焦卷，川泽皆竭涸。
轻纨觉衣重，密树苦阴薄。莞簟不可近，絺绤再三濯。
思出宇宙外，旷然在寥廓。长风万里来，江海荡烦浊。
却顾身为患，始知心未觉。忽入甘露门，宛然清凉乐。

菩提寺禁口号又示裴迪

唐代：王维

安得舍罗网，拂衣辞世喧。悠然策藜杖，归向桃花源。

黎拾遗昕裴秀才迪见过秋夜对雨之作

唐代：王维

促织鸣已急，轻衣行向重。寒灯坐高馆，秋雨闻疏钟。
白法调狂象，玄言问老龙。何人顾蓬径，空愧求羊踪。

观猎

唐代：王维

风劲角弓鸣，将军猎渭城。
草枯鹰眼疾，雪尽马蹄轻。
忽过新丰市，还归细柳营。
回看射雕处，千里暮云平。

宿郑州

唐代：王维

朝与周人辞，暮投郑人宿。
他乡绝俦侣，孤客亲僮仆。
宛洛望不见，秋霖晦平陆。
田父草际归，村童雨中牧。
主人东皋上，时稼绕茅屋。
虫思机杼悲，雀喧禾黍熟。
明当渡京水，昨晚犹金谷。
此去欲何言，穷边徇微禄。

春日上方即事

唐代：王维

好读高僧传，时看辟谷方。鸬形将刻仗，龟壳用支床。
柳色青山映，梨花夕鸟藏。北窗桃李下，闲坐但焚香。

唐代：王维

朝因折杨柳，相见洛阳隅。楚国无如妾，秦家自有夫。
对人传玉腕，映烛解罗襦。人见东方骑，皆言夫婿殊。
持谢金吾子，烦君提玉壶。

送别 / 山中送别

唐代：王维

山中相送罢，日暮掩柴扉。

春草明年绿，王孙归不归？（明年 一作：年年）

早朝

唐代：王维

柳暗百花明，春深五凤城。城乌睥睨晓，宫井辘轳声。

方朔金门侍，班姬玉辇迎。仍闻遣方士，东海访蓬瀛。

山居秋暝

唐代：王维

空山新雨后，天气晚来秋。

明月松间照，清泉石上流。

竹喧归浣女，莲动下渔舟。

随意春芳歇，王孙自可留。

白鼋涡（杂言走笔）

唐代：王维

南山之瀑水兮，激石湍瀑似雷惊，人相对兮不闻语声。

翻涡跳沫兮苍苔湿，藓老且厚，春草为之不生。
兽不敢惊动，鸟不敢飞鸣。白鼋涡涛戏濞兮，
委身以纵横。王人之仁兮，不网不钓，得遂性以生成。

句

唐代：王维

人家在仙掌，云气欲生衣。

皇甫岳云溪杂题五首·莲花坞

唐代：王维

日日采莲去，洲长多暮归。
弄篙莫溅水，畏湿红莲衣。

晦日游大理韦卿城南别业四声依次用各六韵

唐代：王维

与世澹无事，自然江海人。侧闻尘外游，解骖 fL 朱轮。
平野照暄景，上天垂春云。张组竞北阜，泛舟过东邻。
故乡信高会，牢醴及佳辰。幸同击壤乐，心荷尧为君。
郊居杜陵下，永日同携手。仁里霭川阳，平原见峰首。
园庐鸣春鸠，林薄媚新柳。上卿始登席，故老前为寿。

临当游南陂，约略执杯酒。归欤绌微官，惆怅心自咎。
冬中馀雪在，墟上春流驶。风日畅怀抱，山川多秀气。
雕胡先晨炊，庖脍亦云至。高情浪海岳，浮生寄天地。
君子外簪纓，埃尘良不啻。所乐衡门中，陶然忘其贵。
高馆临澄陂，旷然荡心目。淡荡动云天，玲珑映墟曲。
鹄巢结空林，雉雏响幽谷。应接无闲暇，徘徊以踟躅。
纡组上春堤，侧弁倚乔木。弦望忽已晦，后期洲应绿。

双黄鹄歌送别（时为节度判官，在凉州作）

唐代：王维

天路来兮双黄鹄，云上飞兮水上宿，抚翼和鸣整羽族。
不得已，忽分飞，家在玉京朝紫微，主人临水送将归。
悲笳嘹唳垂舞衣，宾欲散兮复相依。几往返兮极浦，
尚裴回兮落晖。岸上火兮相迎，将夜入兮边城。
鞍马归兮佳人散，怅离忧兮独含情。

早朝

唐代：王维

皎洁明星高，苍茫远天曙。槐雾暗不开，城鸦鸣稍去。
始闻高阁声，莫辨更衣处。银烛已成行，金门俨驺驭。

早朝

唐代：王维

柳暗百花明，春深五凤城。城乌睥睨晓，宫井辘轳声。
方朔金门侍，班姬玉辇迎。仍闻遣方士，东海访蓬瀛。

春日上方即事

唐代：王维

好读高僧传，时看辟谷方。鸠形将刻杖，龟壳用支床。
柳色青山映，梨花夕鸟藏。北窗桃李下，闲坐但焚香。

归辋川作

唐代：王维

谷口疏钟动，渔樵稍欲稀。悠然远山暮，独向白云归。
菱蔓弱难定，杨花轻易飞。东皋春草色，惆怅掩柴扉。

奉和圣制登降圣观与宰臣等同望应制

唐代：王维

凤宸朝碧落，龙图耀金镜。维岳降二臣，戴天临万姓。

山川八校满，井邑三农竟。比屋皆可封，谁家不相庆。
林疏远村出，野旷寒山静。帝城云里深，渭水天边映。
佳气含风景，颂声溢歌咏。端拱能任贤，弥彰圣君圣。

李陵咏（时年十九）

唐代：王维

汉家李将军，三代将门子。结发有奇策，少年成壮士。
长驱塞上儿，深入单于垒。旌旗列相向，箫鼓悲何已。
日暮沙漠陲，战声烟尘里。将令骄虏灭，岂独名王侍。
既失大军援，遂婴穹庐耻。少小蒙汉恩，何堪坐思此。
深衷欲有报，投躯未能死。引领望子卿，非君谁相理。

赠东岳焦炼师

唐代：王维

先生千岁馀，五岳遍曾居。遥识齐侯鼎，新过王母庐。
不能师孔墨，何事问长沮。玉管时来凤，铜盘即钓鱼。
竦身空里语，明目夜中书。自有还丹术，时论太素初。
频蒙露版诏，时降软轮车。山静泉逾响，松高枝转疏。
支颐问樵客，世上复何如。

春夜竹亭赠钱少府归蓝田

唐代：王维

夜静群动息，时闻隔林犬。
却忆山中时，人家涧西远。
羡君明发去，采蕨轻轩冕。

齐州送祖三 / 河上送赵仙舟 / 淇上别赵仙舟

唐代：王维

相逢方一笑，相送还成泣。
祖帐已伤离，荒城复愁入。
天寒远山净，日暮长河急。
解缆君已遥，望君犹伫立。

济上四贤咏。成文学

唐代：王维

宝剑千金装，登君白玉堂。身为平原客，家有邯郸娼。
使气公卿坐，论心游侠场。中年不得意，谢病客游梁。

鱼山神女祠歌。送神

唐代：王维

纷进舞兮堂前，目眷眷兮琼筵。来不言兮意不传，
作暮雨兮愁空山。悲急管兮思繁弦，神之驾兮俨欲旋。
倏云收兮雨歇，山青青兮水潺潺。

秋夜曲

唐代：王维

桂魄初生秋露微，轻罗已薄未更衣。
银筝夜久殷勤弄，心怯空房不忍归。

辋川闲居

唐代：王维

一从归白社，不复到青门。时倚檐前树，远看原上村。
青菰临水拔，白鸟向山翻。寂寞於陵子，桔槔方灌园。

辋川闲居赠裴秀才迪

唐代：王维

寒山转苍翠，秋水日潺湲。

倚杖柴门外，临风听暮蝉。

渡头馀落日，墟里上孤烟。（馀 一作 余）

复值接舆醉，狂歌五柳前。

燕支行（时年二十一）

唐代：王维

汉家天将才且雄，来时谒帝明光宫。万乘亲推双阙下，
千官出饯五陵东。誓辞甲第金门里，身作长城玉塞中。
卫霍才堪一骑将，朝廷不数贰师功。赵魏燕韩多劲卒，
关西侠少何咆勃。报讎只是闻尝胆，饮酒不曾妨刮骨。
画戟雕戈百白寒，连旗大旆黄尘没。叠鼓遥翻瀚海波，
鸣笳乱动天山月。麒麟锦带佩吴钩，飒沓青骊跃紫骝。
拔剑已断天骄臂，归鞍共饮月支头。汉兵大呼一当百，
虏骑相看哭且愁。教战虽令赴汤火，终知上将先伐谋。

辋川集。南垞

唐代：王维

轻舟南垞去，北垞淼难即。隔浦望人家，遥遥不相识。

叹白发

唐代：王维

宿昔朱颜成暮齿，须臾白发变垂髫。
一生几许伤心事，不向空门何处销。

赠从弟司库员外綬

唐代：王维

少年识事浅，强学干名利。
徒闻跃马年，苦无出人智。
即事岂徒言，累官非不试。
既寡遂性欢，恐招负时累。
清冬见远山，积雪凝苍翠。
浩然出东林，发我遗世意。
惠连素清赏，夙语尘外事。
欲缓携手期，流年一何驶。

杂曲歌辞。苦热行

唐代：王维

赤日满天地，火云成山岳。草木尽焦卷，川泽皆竭涸。
轻纨觉衣重，密树苦阴薄。莞簟不可近，絺绤再三濯。
思出宇宙外，旷然在寥廓。长风万里来，江海荡烦浊。
却顾身为患，始知心未觉。忽入甘露门，宛然清凉乐。

酌酒与裴迪

唐代：王维

酌酒与君君自宽，人情翻覆似波澜。
白首相知犹按剑，朱门先达笑弹冠。
草色全经细雨湿，花枝欲动春风寒。
世事浮云何足问，不如高卧且加餐。

相和歌辞。班婕妤三首

唐代：王维

玉窗萤影度，金殿人声绝。秋夜守罗帏，孤灯耿不灭。
宫殿生秋草，君王恩幸疏。那堪闻凤吹，门外度金舆。
怪来妆阁闭，朝下不相迎。总向春园里，花间语笑声。

早秋山中作

唐代：王维

无才不敢累明时，思向东溪守故篱。
岂厌尚平婚嫁早，却嫌陶令去官迟。
草间蛩响临秋急，山里蝉声薄暮悲。
寂寞柴门人不到，空林独与白云期。

皇甫岳云溪杂题五首。上平田

唐代：王维

朝耕上平田，暮耕上平田。借问问津者，宁知沮溺贤。

送魏郡李太守赴任

唐代：王维

与君伯氏别，又欲与君离。君行无几日，当复隔山陂。
苍茫秦川尽，日落桃林塞。独树临关门，黄河向天外。
前经洛阳陌，宛洛故人稀。故人离别尽，淇上转骖騑。
企予悲送远，惆怅睢阳路。古木官渡平，秋城邺宫故。
想君行县日，其出从如云。遥思魏公子，复忆李将军。

和贾舍人早朝大明宫之作

唐代：王维

绛帟鸡人送晓筹，尚衣方进翠云裘。
九天阊阖开宫殿，万国衣冠拜冕旒。
日色才临仙掌动，香烟欲傍衮龙浮。
朝罢须裁五色诏，佩声归向凤池头。

出塞作

唐代：王维

居延城外猎天骄，白草连天野火烧。
暮云空碛时驱马，秋日平原好射雕。
护羌校尉朝乘障，破虏将军夜渡辽。
玉靶角弓珠勒马，汉家将赐霍嫖姚。

送殷四葬（一作哭殷遥）

唐代：王维

送君返葬石楼山，松柏苍苍宾驭还。
埋骨白云长已矣，空馀流水向人间。

酬郭给事

唐代：王维

洞门高阁霭馀辉，桃李阴阴柳絮飞。
禁里疏钟官舍晚，省中啼鸟吏人稀。
晨摇玉佩趋金殿，夕奉天书拜琐闱。
强欲从君无那老，将因卧病解朝衣。

大同殿柱产玉芝龙池上有庆云神光照殿百官共睹…即事

唐代：王维

欲笑周文歌宴镐，遥轻汉武乐横汾。岂知玉殿生三秀，
诂有铜池出五云。陌上尧樽倾北斗，楼前舜乐动南薰。
共欢天意同人意，万岁千秋奉圣君。

叹白发

唐代：王维

宿昔朱颜成暮齿，须臾白发变垂髫。
一生几许伤心事，不向空门何处销。

送韦大夫东京留守

唐代：王维

人外遗世虑，空端结遐心。曾是巢许浅，始知尧舜深。
苍生诂有物，黄屋如乔林。上德抚神运，冲和穆宸襟。
云雷康屯难，江海遂飞沉。天工寄人英，龙袞瞻君临。
名器苟不假，保釐固其任。素质贯方领，清景照华簪。
慷慨念王室，从容献官箴。云旗蔽三川，画角发龙吟。
晨扬天汉声，夕卷大河阴。穷人业已宁，逆虏遗之擒。
然后解金组，拂衣东山岑。给事黄门省，秋光正沉沉。
壮心与身退，老病随年侵。君子从相访，重玄其可寻。

奉和圣制与太子诸王三月三日龙池春禊应制

唐代：王维

故事修春禊，新宫展豫游。明君移凤辇，太子出龙楼。
赋掩陈王作，杯如洛水流。金人来捧剑，画鹢去回舟。
苑树浮宫阙，天池照冕旒。宸章在云表，垂象满皇州。

辋川集。斤竹岭

唐代：王维

檀栾映空曲，青翠漾涟漪。暗入商山路，樵人不可知。

同崔兴宗送衡岳瑗公南归

唐代：王维

言从石菌阁，新下穆陵关。独向池阳去，白云留故山。
绽衣秋日里，洗钵古松间。一施传心法，唯将戒定还。

座上走笔赠薛璩慕容损

唐代：王维

希世无高节，绝迹有卑栖。君徒视人文，吾固和天倪。

緬然万物始，及与群物齐。分地依后稷，用天信重黎。
春风何豫人，令我思东溪。草色有佳意，花枝稍含萋。
更待风景好，与君藉萋萋。

登裴秀才迪小台

唐代：王维

端居不出户，满目望云山。落日鸟边下，秋原人外闲。
遥知远林际，不见此檐间。好客多乘月，应门莫上关。

和仆射晋公扈从温汤（时为右补阙）

唐代：王维

天子幸新丰，旌旗渭水东。寒山天仗外，温谷幔城中。
奠玉群仙座，焚香太乙宫。出游逢牧马，罢猎见非熊。
上宰无为化，明时太古同。灵芝三秀紫，陈粟万箱红。
王礼尊儒教，天兵小战功。谋犹归哲匠，词赋属文宗。
司谏方无阙，陈诗且未工。长吟吉甫颂，朝夕仰清风。

送沈子归江东 / 送沈子福之江东

唐代：王维

杨柳渡头行客稀，罟师荡桨向临圻。
唯有相思似春色，江南江北送君归。

雪中忆李楫

唐代：王维

积雪满阡陌，故人不可期。长安千门复万户，
何处躑躅黄金羁。

燕支行（时年二十一）

唐代：王维

汉家天将才且雄，来时谒帝明光宫。万乘亲推双阙下，
千官出饯五陵东。誓辞甲第金门里，身作长城玉塞中。
卫霍才堪一骑将，朝廷不数贰师功。赵魏燕韩多劲卒，
关西侠少何咆勃。报讎只是闻尝胆，饮酒不曾妨刮骨。
画戟雕戈百白寒，连旗大旆黄尘没。叠鼓遥翻瀚海波，
鸣笳乱动天山月。麒麟锦带佩吴钩，飒沓青骊跃紫骝。
拔剑已断天骄臂，归鞍共饮月支头。汉兵大呼一当百，
虏骑相看哭且愁。教战虽令赴汤火，终知上将先伐谋。

送贺遂员外外甥

唐代：王维

南国有归舟，荆门溯上流。苍茫葭菼外，云水与昭丘。
檣带城乌去，江连暮雨愁。猿声不可听，莫待楚山秋。

和使君五郎西楼望远思归

唐代：王维

高楼望所思，目极情未毕。枕上见千里，窗中窥万室。
悠悠长路人，暧暧远郊日。惆怅极浦外，迢递孤烟出。
能赋属上才，思归同下秩。故乡不可见，云水空如一。

凉州郊外游望（时为节度判官，在凉州作）

唐代：王维

野老才三户，边村少四邻。婆娑依里社，箫鼓赛田神。
洒洒浇刍狗，焚香拜木人。女巫纷屡舞，罗袜自生尘。

秋夜独坐 / 冬夜书怀

唐代：王维

独坐悲双鬓，空堂欲二更。
雨中山果落，灯下草虫鸣。
白发终难变，黄金不可成。

欲知除老病，唯有学无生。

酬郭给事

唐代：王维

洞门高阁霭馀辉，桃李阴阴柳絮飞。
禁里疏钟官舍晚，省中啼鸟吏人稀。
晨摇玉佩趋金殿，夕奉天书拜琐闱。
强欲从君无那老，将因卧病解朝衣。

田园乐七首·其六 / 闲居

唐代：王维

桃红复含宿雨，柳绿更带朝烟。
花落家童未扫，莺啼山客犹眠。

送崔兴宗

唐代：王维

已恨亲皆远，谁怜友复稀。君王未西顾，游宦尽东归。
塞迥山河净，天长云树微。方同菊花节，相待洛阳扉。

别弟缙后登青龙寺望蓝田山

唐代：王维

陌上新离别，苍茫四郊晦。登高不见君，故山复云外。
远树蔽行人，长天隐秋塞。心悲宦游子，何处飞征盖。

凉州赛神（时为节度判官，在凉州作）

唐代：王维

凉州城外少行人，百尺峰头望虏尘。
健儿击鼓吹羌笛，共赛城东越骑神。

送韦大夫东京留守

唐代：王维

人外遗世虑，空端结遐心。曾是巢许浅，始知尧舜深。
苍生讵有物，黄屋如乔林。上德抚神运，冲和穆宸襟。
云雷康屯难，江海遂飞沉。天工寄人英，龙袞瞻君临。
名器苟不假，保釐固其任。素质贯方领，清景照华簪。
慷慨念王室，从容献官箴。云旗蔽三川，画角发龙吟。
晨扬天汉声，夕卷大河阴。穷人业已宁，逆虏遗之擒。
然后解金组，拂衣东山岑。给事黄门省，秋光正沉沉。

壮心与身退，老病随年侵。君子从相访，重玄其可寻。

画

唐代：王维

远看山有色，近听水无声。

春去花还在，人来鸟不惊。

白石滩

唐代：王维

清浅白石滩，绿蒲向堪把。

家住水东西，浣纱明月下。

送封太守

唐代：王维

忽解羊头削，聊驰熊首輶。扬舲发夏口，按节向吴门。

帆映丹阳郭，枫攒赤岸村。百城多候吏，露冕一何尊。

苑舍人能书梵字兼达梵音，皆曲尽其妙，戏为之赠

唐代：王维

名儒待诏满公车。才子为郎典石渠。莲花法藏心悬悟，
贝叶经文手自书。楚词共许胜扬马，梵字何人辨鲁鱼。
故旧相望在三事，愿君莫厌承明庐。

春日与裴迪过新昌里访吕逸人不遇

唐代：王维

桃源一向绝风尘，柳市南头访隐沦。
到门不敢题凡鸟，看竹何须问主人。
城上青山如屋里，东家流水入西邻。
闭户著书多岁月，种松皆老作龙鳞。

送严秀才还蜀

唐代：王维

宁亲为令子，似舅即贤甥。别路经花县，还乡入锦城。
山临青塞断，江向白云平。献赋何时至，明君忆长卿。

酬诸公见过（时官未出，在辋川庄）

唐代：王维

嗟予未丧，哀此孤生。屏居蓝田，薄地躬耕。岁晏输税，以奉粢盛。晨往东皋，草露未晞。暮看烟火，负担来归。我闻有客，足扫荆扉。箪食伊何，臛瓜抓枣。仰厕群贤，皤然一老。愧无莞簟，班荆席藁。泛泛登陂，折彼荷花。静观素鲔，俯映白沙。山鸟群飞，日隐轻霞。登车上马，倏忽云散。雀噪荒村，鸡鸣空馆。还复幽独，重欷累叹。

赠祖三咏（济州官舍作）

唐代：王维

萧蛸挂虚牖，蟋蟀鸣前除。岁晏凉风至，君子复何如。高馆阒无人，离居不可道。闲门寂已闭，落日照秋草。虽有近音信，千里阻河关。中复客汝颍，去年归旧山。结交二十载，不得一日展。贫病子既深，契阔余不浅。仲秋虽未归，暮秋以为期。良会讵几日，终日长相思。

早朝

唐代：王维

皎洁明星高，苍茫远天曙。槐雾暗不开，城鸦鸣稍去。始闻高阁声，莫辨更衣处。银烛已成行，金门俨驺驭。

春过贺遂员外药园

唐代：王维

前年槿篱故，新作药栏成。香草为君子，名花是长卿。
水穿盘石透，藤系古松生。画畏开厨走，来蒙倒屣迎。
蔗浆菰米饭，蒟酱露葵羹。颇识灌园意，於陵不自轻。

辋川集。金屑泉

唐代：王维

日饮金屑泉，少当千馀岁。翠凤翊文螭，羽节朝玉帝。

故太子太师徐公挽歌四首

唐代：王维

功德冠群英，弥纶有大名。轩皇用风后，傅说是星精。
就第优遗老，来朝诏不名。留侯常辟谷，何苦不长生。
谋猷为相国，翊戴奉宸舆。剑履升前殿，貂蝉托后车。
齐侯疏土宇，汉室赖图书。僻处留田宅，仍才十顷馀。
旧里趋庭日，新年置酒辰。闻诗鸾渚客，献赋凤楼人。
北首辞明主，东堂哭大臣。犹思御朱轂，不惜污车茵。
久践中台座，终登上将坛。谁言断车骑，空忆盛衣冠。
风日咸阳惨，笳箫渭水寒。无人当便阙，应罢太师官。

早春行

唐代：王维

紫梅发初遍，黄鸟歌犹涩。
谁家折杨女，弄春如不及。
爱水看妆坐，羞人映花立。
香畏风吹散，衣愁露沾湿。
玉闺青门里，日落香车入。
游衍益相思，含啼向彩帷。
忆君长入梦，归晚更生疑。
不及红檐燕，双栖绿草时。

九月九日忆山东兄弟

唐代：王维

独在异乡为异客，每逢佳节倍思亲。
遥知兄弟登高处，遍插茱萸少一人。

杂诗

唐代：王维

双燕初命子，五桃新作花。王昌是东舍，宋玉次西家。
小小能织绮，时时出浣纱。亲劳使君问，南陌驻香车。

辋川集。孟城坳

唐代：王维

新家孟城口，古木馀衰柳。来者复为谁，空悲昔人有。

恭懿太子挽歌五首

唐代：王维

何悟藏环早，才知拜璧年。翀天王子去，对日圣君怜。
树转宫犹出，笳悲马不前。虽蒙绝驰道，京兆别开阡。
兰殿新恩切，椒宫夕临幽。白云随凤管，明月在龙楼。
人向青山哭，天临渭水愁。鸡鸣常问膳，今恨玉京留。
骑吹凌霜发，旌旗夹路陈。凯容金节护，册命玉符新。
傅母悲香褓，君家拥画轮。射熊今梦帝，秤象问何人。
苍舒留帝宠，子晋有仙才。五岁过人智，三天使鹤催。
心悲阳禄馆，目断望思台。若道长安近，何为更不来。
西望昆池阔，东瞻下杜平。山朝豫章馆，树转凤凰城。
五校连旗色，千门叠鼓声。金环如有验，还向画堂生。

华岳

唐代：王维

西岳出浮云，积雪在太清。连天凝黛色，百里遥青冥。
白日为之寒，森沉华阴城。昔闻乾坤闭，造化生巨灵。
右足踏方止，左手推削成。天地忽开拆，大河注东溟。
遂为西峙岳，雄雄镇秦京。大君包覆载，至德被群生。
上帝伫昭告，金天思奉迎。人祇望幸久，何独禅云亭。

故西河郡杜太守挽歌三首

唐代：王维

天上去西征，云中护北平。生擒白马将，连破黑雕城。
忽见刍灵苦，徒闻竹使荣。空留左氏传，谁继卜商名。
返葬金符守，同归石窆妻。卷衣悲画翟，持翣待鸣鸡。
容卫都人惨，山川驷马嘶。犹闻陇上客，相对哭征西。
涂刍去国门，秘器出东园。太守留金印，夫人罢锦轩。
旌旗转衰木，箫鼓上寒原。坟树应西靡，长思魏阙恩。

至滑州隔河望黎阳忆丁三

唐代：王维

隔河见桑柘，蔼蔼黎阳川。望望行渐远，孤峰没云烟。
故人不可见，河水复悠然。赖有政声远，时闻行路传。

辋川集。椒园

唐代：王维

桂尊迎帝子，杜若赠佳人。椒浆奠瑶席，欲下云中君。

韦侍郎山居

唐代：王维

幸忝君子顾，遂陪尘外踪。闲花满岩谷，瀑水映杉松。
啼鸟忽归涧，归云时抱峰。良游盛簪绂，继迹多夔龙。
讵枉青门道，胡闻长乐钟。清晨去朝谒，车马何从容。

送崔兴宗

唐代：王维

已恨亲皆远，谁怜友复稀。君王未西顾，游宦尽东归。
塞迥山河净，天长云树微。方同菊花节，相待洛阳扉。

红牡丹

唐代：王维

绿艳闲且静，红衣浅复深。

花心愁欲断，春色岂知心。

杂曲歌辞。苦热行

唐代：王维

赤日满天地，火云成山岳。草木尽焦卷，川泽皆竭涸。
轻纨觉衣重，密树苦阴薄。莞簟不可近，絺绤再三濯。
思出宇宙外，旷然在寥廓。长风万里来，江海荡烦浊。
却顾身为患，始知心未觉。忽入甘露门，宛然清凉乐。

戏题盘石

唐代：王维

可怜盘石临泉水，复有垂杨拂酒杯。
若道春风不解意，何因吹送落花来。

鹿柴

唐代：王维

空山不见人，但闻人语响。
返景入深林，复照青苔上。

送李员外贤郎

唐代：王维

少年何处去，负米上铜梁。借问阿戎父，知为童子郎。
鱼笺请诗赋，橐布作衣裳。薏苡扶衰病，归来幸可将。

过崔駙马山池

唐代：王维

画楼吹笛妓，金碗酒家胡。锦石称贞女，青松学大夫。
脱貂贳桂醕，射雁与山厨。闻道高阳会，愚公谷正愚。

田园乐七首（一作辋川六言，第六首一作皇甫曾诗）

唐代：王维

厌见千门万户，经过北里南邻。
官府鸣珂有底，崆峒散发何人。
再见封侯万户，立谈赐璧一双。
讵胜耦耕南亩，何如高卧东窗。
采菱渡头风急，策杖林西日斜。
杏树坛边渔父，桃花源里人家。
萋萋春草秋绿，落落长松夏寒。

牛羊自归村巷，童稚不识衣冠。
山下孤烟远村，天边独树高原。
一瓢颜回陋巷，五柳先生对门。
桃红复含宿雨，柳绿更带朝烟。
花落家童未扫，莺啼山客犹眠。
酌酒会临泉水，抱琴好倚长松。
南园露葵朝折，东谷黄粱夜舂。

三月三日曲江侍宴应制

唐代：王维

万乘亲斋祭，千官喜豫游。奉迎从上苑，袂褱向中流。
草树连容卫，山河对冕旒。画旗摇浦溆，春服满汀洲。
仙籟龙媒下，神皋凤辇留。从今亿万岁，天宝纪春秋。

晚春归思

唐代：王维

新妆可怜色，落日卷罗帷。炉气清珍簋，墙阴上玉墀。
春虫飞网户，暮雀隐花枝。向晚多愁思，闲窗桃李时。

送平澹然判官

唐代：王维

不识阳关路，新从定远侯。黄云断春色，画角起边愁。
瀚海经年到，交河出塞流。须令外国使，知饮月氏头。

送綦毋潜落第还乡

唐代：王维

圣代无隐者，英灵尽来归。
遂令东山客，不得顾采薇。
既至金门远，孰云吾道非。
江淮度寒食，京洛缝春衣。
置酒长安道，同心与我违。
行当浮桂棹，未几拂荆扉。
远树带行客，孤城当落晖。
吾谋适不用，勿谓知音稀。

千塔主人

唐代：王维

逆旅逢佳节，征帆未可前。窗临汴河水，门渡楚人船。
鸡犬散墟落，桑榆荫远田。所居人不见，枕席生云烟。

红牡丹

唐代：王维

绿艳闲且静，红衣浅复深。
花心愁欲断，春色岂知心。

鹿柴

唐代：王维

空山不见人，但闻人语响。
返景入深林，复照青苔上。

送友人南归

唐代：王维

万里春应尽，三江雁亦稀。
连天汉水广，孤客郢城归。
郢国稻苗秀，楚人菰米肥。
悬知倚门望，遥识老莱衣。

輞川集。漆园

唐代：王维

古人非傲吏，自阙经世务。偶寄一微官，婆娑数株树。